



目錄

第五卷
遊戲三昧

世尊纔生下

賓頭盧尊者

阿難尊者

師子尊者

梁武帝問達磨祖師

六祖將涅槃

忠國師喚侍者

南泉示眾

又示眾

僧問大梅

大梅將涅槃

鹽官喚侍者

鹽官示眾

盤山將涅槃

百丈再叅馬祖

藥山久不陞堂

藥山問僧

龐居士問馬祖

丹霞訪龐居士

丹霞問僧

僧問趙州

甘贄行者開接待

秘魔巖持杖

大慈示眾

雲巖不安

臨濟在黃檗栽杉松

仰山見雪師子

僧問大隨

睦州喚僧

漸源在紙帳內坐

僧問洞山

洞山請泰首座

德山小叅示眾

德山托鉢

唐莊宗問興化

僧問龍牙

僧問乾峰

俱胝豎一指

保壽上堂

王太尉入佛

玄沙示眾

玄沙問光侍者

僧問南院

孚上座初見雪峰

風穴上堂

翠巖示眾

僧辭棗樹

懶菴奇畢居士別傳錄卷之五

遊戲三昧卷全

遊戲三昧者。乃懶菴偶集而偶名之也。懶菴偶集而偶名之者。無他。蓋欲高流異衲。知吾宗有如是格外之談。以鼓舞其一念真疑。叅話頭耳。卽此則則句句。亦俱宜一念真疑。叅不可意識。卜度會。他時於一則一句。下悟入。方知遊戲三昧者。乃家常茶飯之遊戲三昧也。豈非大丈夫之遊戲三昧耶。一笑。

世尊纔生下。一手指天。一手指地。周行七步。目顧四

方云。天上天下。唯吾獨尊。懶菴云。我當時若見。即便合掌作禮。

雲門偃云。我當時若見。一棒打殺與狗子喫。貴圖天下太平。懶菴云。我若見雲門恁麼道。卽出云。大眾看這老和尚讚歎世尊也。便作舞而出。會麼。刀鎗劒戟齊飛動。直得雲門卸甲休。法眼益云。雲門氣勢甚大。要且無佛法道理。懶菴云。是大神咒。是大明咒。是無上咒。是無等等咒。甚處是無佛法道理。瑯玕覺云。雲門可謂將此身心奉塵刹。是卽名爲報佛恩。懶菴左顧云。不是。又右顧云。不是。

雲峯悅云。雲門雖有定亂之謀。且無出身之路。懶菴云。點點。法昌遇云。好一棒。太遲生。未離兜率。腳跟下好與一錐。懶菴云。依稀似曲纔堪聽。又被風吹別調中。復喝一喝云。且道是棒是錐。

賓頭盧尊者。因阿育王問承聞尊者親見佛來。是否。尊者以手策起眉毛。良久云。會麼。王云。不會。者云。阿耨達池龍王。曾請佛齋。吾是時亦預其數。懶菴代王云。恁麼。則尊者不曾見佛。

翠巖真云。且道甚處見。直饒雪天漂渺。湖光澹蕩。且莫說夢。懶菴云。翠巖也是眼花。五祖戒出王

語云。慙愧。懶菴別云。恰是。汾陽昭出王語云。却
勞尊者。懶菴別云。適來道甚麼。保寧勇代王云。
希有希有。懶菴代者云。也是尋常事。雲居元代
王。驀面便唾。懶菴代者。拭面無語。

阿難尊者問迦葉尊者云。師兄。世尊傳金襴袈裟外。
別傳個甚麼。迦葉召云。阿難。阿難應諾。迦葉云。倒却
門前刹竿着。懶菴徵云。且道刹竿。還曾倒也未。

汾陽昭云。不問那知。懶菴云。知個甚麼。又代汾陽
云。滿眼不能見。滿口不能談。知是如是事。刹竿倒
門前。五祖戒云。露。懶菴云。兩邊底漚。翠巖芝

云。千年無影樹。今時沒底靴。懶菴云。多口阿師。
泐潭清云。刹竿未倒。穿却諸人髑髏。換却諸人眼
睛。刹竿倒後。向甚處見釋迦老子。懶菴云。刹竿未
倒。明明指天。刹竿倒後。明明臥地。我要問泐潭。甚
處不是釋迦老子。

師子尊者。因罽賓國王秉劔於前云。師得蘊空否者。
云。已得蘊空。王云。既得蘊空。離生死否者。云。已離生
死。王云。既離生死。就師乞頭得否者。云。身非我有。豈
況於頭。王便斬之。白乳湧高數尺。王臂自墮。懶菴云。
白乳湧高數尺。痕跡猶在。王臂自墮。枯骨還存。若人

分辨得出。許你也具蘊空。

玄沙備云。大小師子尊者。頭也不解作得主。天童
華云。隨穰穰漢。懶菴代備云。話頭也不識。玄覺
遂徵云。且道斬着斬不着。天童華云。將鰕釣鼈。懶
菴代遂云。且喜你上鈎。汾陽昭別云。知師不恡。
天童華云。將錯就錯。懶菴代昭畫此。風相云。且道
是錯不是錯。雪竇顯云。作家君王。天然有在天
童華云。提水放火。懶菴代顯云。未爲分外。翠巖
芝云。當時者引頸。王舉劔。與麼時。有人諫得住麼。
至今無人斷得此公案。如今衲僧作麼生斷。天童

華云。莫要說夢。懶菴代芝云。低聲低聲。芭蕉徹
云。賣寶撞着瞎波斯。天童華云。誣人之罪。懶菴代
徹云。非公境界。瑯玕覺云。罽賓好一口劔。爭柰
劔上無眼。尊者好個師子。要且不解返躑。天童華
云。賊過後張弓。懶菴代覺云。你又亂走作麼。
黃龍新云。黃龍要問雪竇。既是作家君王。因甚臂
落。徑山杲云。孟八郎漢。又與麼去。懶菴代雪竇答
黃龍云。若不臂落。爭顯作家君王。又代黃龍答徑
山云。爭怪得黃龍。

梁武帝問達磨祖師云。如何是聖諦第一義。祖云。廓

然無聖。帝云。對朕者誰。祖云。不識。帝不契。懶菴代帝進語云。不識。後如何。又代祖答云。不識。因大笑云。前也不識。後也不識。不識。不識。明如日。明如日。摩訶般若波羅密。

汾陽昭代帝云。弟子智淺。懶菴代祖云。別置一問來。保寧勇代帝。吐舌示之。懶菴代祖云。如是如是。善自護持。

六祖將涅槃。謂門人云。吾欲歸新州。汝等速治舟楫。門人云。師從此去。早晚却回。祖云。葉落歸根。來時無日。懶菴云。我若在會下。見祖師。怎麼道。即將兩拳安

頭上。遶禪牀。一匝。歸位而立。又別門人云。舟楫已具。不知新州走那一路。

法雲秀云。非但來時無口。去時亦無鼻孔。懶菴云。無口無鼻孔。且置。我要看法雲。眼裏還有瞳人打秋千麼。五祖演云。祖師怎麼道。猶欠悟在。懶菴云。這老漢。雖則是逢魚撒網。見兔放鷹。檢點將來。亦欠悟在。會麼。句裏藏鋒。人不見。攬頭撲下。始方知懶菴自謂丹青手。一筆塗成絕所思。樂哉。

忠國師一日喚侍者。侍者應諾。如是三喚。三應。國師云。將謂吾孤負汝。却是汝孤負吾。懶菴云。國師三喚。

侍者三應。恰如一對玉連環。分開不得。於此徹去。然後知將謂吾孤負汝。却是汝孤負吾。正是玉連環底影子。

玄沙備云。侍者却會。雪竇顯云。停囚長智。徑山杲云。兩彩一賽。懶菴云。平地上鞦韆。雲門偃云。作麼生。是國師孤負侍者處。會得也是無端。雪竇顯云。元來不會。徑山杲云。雪峯道底。懶菴云。不在舌頭上。雲門偃云。作麼生。是侍者孤負國師處。粉骨碎身未報得。雪竇顯云。無端無端。徑山杲云。塚生招箭。懶菴云。冷處出氣。法眼益云。且去別時來。雪

竇顯云。謾我不得。徑山杲云。却是法眼會。懶菴云。也是法眼眼中釘。興化獎云。一盲引衆盲。雪竇顯云。端底瞎。徑山杲云。親言出親口。懶菴云。反覆是渠仰面看。投子同云。抑逼人作麼。雪竇顯云。塚跟漢。徑山杲云。理長卽就。懶菴云。官不容針。私通車馬。趙州諗云。如人暗中書字。字雖不成。文彩已彰。雪竇顯便喝。徑山杲云。且道這一喝。在國師侍者分上。在趙州分上。隨後喝一喝。復云。若不。是命根五色索子斷。如何透得這裏過。懶菴云。雪竇一喝。且置。且道徑山這一喝。落在甚處。亦隨後

喝一喝復云。懶菴若不下這一喝。幾乎不認得國師侍者。不識得趙州。不辯得雪竇徑山也。雪竇顯又云。若有人問雪竇。雪竇便打。也要諸方檢點。徑山杲云。作賊人心虛。懶菴云。拋開不得。

南泉示衆云。王老師賣身去也。還有人買麼。時有一僧出衆云。某甲買。泉云。不作貴。不作賤。你作麼生買。僧無對。懶菴代僧。豎起一指。

趙州諗云。明年與和尚做一領布衫。懶菴代泉云。我不穿這破布。臥龍球云。和尚屬某甲去也。懶菴代泉云。契書猶未寫在。禾山殷云。是何道理。

懶菴代泉云。平生不誑語。明招謙拍旁僧背云。好着不着去。懶菴代泉云。還撐扶得老僧麼。雪竇顯云。別處容和尚不得。懶菴代泉云。情知你不能買隱靜岑云。某甲報恩有分。懶菴代泉云。恁麼則不賣也。

南泉示衆云。王老師自小養得一頭水牯牛。擬向溪東放。不免食他國王水草。擬向溪西放。亦不免食他國王水草。而今不免隨分納些些。總不見得。懶菴云。這水牯牛。甚是奇特。頭角未分。能吼月。四蹄一串帶雲行。

靈隱嶽云。王老師傾腸倒腹。則不無。未見移風易俗。在山僧只養得一頭驢。隨他東倒西搯。順時一日。何啻千里萬里。拘時直是一步不移。且道與王老師水牯牛相去多少。良久云。漁人舞棹。野老謳歌。懶菴云。靈隱恁麼道。亦未見移風易俗。在。懶菴多年只養得一羣黃鶯兒。個個俱會擲柳穿花。個個盡解吟詩度曲。日閒個個並翅而飛。晚後個個同窩而宿。且道與南泉牛。靈隱驢。相去多少。乃大笑云。這野狐精。雖然如是。切忌意識卜度。

僧問大梅。如何是祖師西來意。梅云。西來無意。懶菴云。我若作這僧。便反詰道。西來既無意。爲甚飯要米做。茶要水烹。

鹽官安云。一個棺材。兩個死漢。雪竇顯云。二個也有。昭覺勤云。一串穿却。懶菴云。埋在黃河深處。大梅臨湍槃云。來莫可抑。往莫可追。從容閒聞鼯鼠聲。乃云。卽此物。非他物。汝等護持。吾當逝矣。便入滅。懶菴云。大似靈龜拽尾。又合掌云。漆光王菩薩。

寶峰文云。旣非他物。是甚麼物。懶菴云。是個無形無狀底物。乃彈指云。似水入水。沒涓滴。如空合空。無縫隙。記得天衣曾悟來。萬仞峰頭獨足立。若有

人道恁麼。則有形有狀也。便打。

鹽官一日喚侍者。將犀牛扇子來。者云。破也。官云。扇子既破。還我犀牛兒來。者無對。懶菴代云。得。

投子同代云。不辭將出。恐頭角不全。雪竇顯云。我要不全底頭角。懶菴代云。恁麼。即將來也。石霜

諸代云。若還和尚。卽無也。雪竇顯云。犀牛兒猶在。懶菴代云。和尚莫錯認。保福展代云。和尚年尊。

別請人好。雪竇顯云。可惜勞而無功。懶菴代云。爭怪得某甲。資福寶代作一圓相。於中書牛字。雪

竇顯云。適來爲甚。不將出。懶菴代云。某甲罪過。

雲居舜云。已颺在搯搯堆頭了也。懶菴代鹽官云。放子二十棒。

鹽官示衆云。虛空爲鼓。須彌爲椎。甚麼人打得。懶菴云。我若見這老漢。恁麼道。卽出云。有一人打得。待伊問。是甚麼人。卽云。相知不相識。盡日草裏蹲。

雪竇顯云。南泉道。王老師不打這破鼓。法眼別云。王老師不打。兩個既不奈何。一個更是懨懨。懶菴云。南泉雲騰致雨。法眼露結爲霜。雪竇金生麗水。少一個玉出崑岡。未免將懶菴填數。大家密密商量。雖然如是。懶菴聽卽有分。天童華云。南泉法

眼大似喫李子。只向赤邊咬。山僧今日與鹽官相見去也。虛空爲鼓。須彌爲椎。要打便打。莫問是誰。懶菴云。天童也似喫李子。只向赤邊咬。何以故。虛空爲鼓。須彌爲椎。自古晝夜不住打。無名無姓白頭兒。

盤山將涅槃示衆云。有人貌得吾真否。衆或將所傳頂相呈似。皆不契。時普化出云。某甲貌得。山云。何不呈似老僧。化遂打筋斗而出。山云。這漢向後掣風顛去在。懶菴云。的是盤山真。祇是無人識。若欲識。彈指門開問彌勒。

長蘆了撼身云。快活殺我也。若無爍破乾坤底眼。孔爭見渾金璞玉。復云。山僧依普化樣子。模得一本。今夜展開。要且大家瞻仰。遂打筋斗歸堂。懶菴云。普化打筋斗。長蘆打筋斗。一樣盤山真。笑破懶菴口。笑破口。且置。我要問高流異衲。還見盤山真麼。咄。不是真。叅實悟漢。爭能兩眼照玄關。

百丈再叅馬祖。侍立次。祖以目視禪牀角拂子。丈云。卽此用。離此用。祖云。爾向後開兩片皮。將何爲人。丈取拂子豎起。祖云。卽此用。離此用。丈挂拂子舊處。祖震威一喝。丈當下大悟。直得三日耳聾。懶菴云。要會

百丈三日耳聾。須實悟馬祖一喝。信麼。水中元有月。鏡裏實開花。盡日張雙眼。花月眼邊斜。到此方知百丈三日耳聾。卽是馬祖一喝。

汾陽昭云。悟去便休。說甚三日耳聾。石門聰云。若不三日耳聾。何得悟去。昭聞云。我與麼道。較他石門半月程。東林總云。當言不避截舌。當爐不避火。迸佛法。豈可曲順人情。東林今日向驪龍窟內爭珠去也。百丈大智。不無他三日耳聾。汾陽石門。爭免個二俱瞎漢。只這三個老人。還會悟去也。無良久云。祖禰不了。殃及兒孫。懶菴云。汾陽石門。恰是

兩個弄影漢。且拈放一邊。祇這東林。也是一個弄影漢。拈放一邊。雪竇顯云。諸人要會三日耳聾麼。大冶精金。應無變色。黃龍新云。黃龍要問雪竇。旣是大冶精金。應無變色。爲甚三日耳聾。懶菴云。雪竇黃龍。亦是兩個弄影漢。更拈放一邊。復云。旣俱拈放一邊。且道懶菴何似。噫。亦是一個弄影漢。拈放一邊。因大笑云。打鼓弄琵琶。相逢俱作家。妙音無有路。亂落徧天涯。對面俱成我。翻身盡是他。若非真實悟。爭見句抽芽。

藥山久不陞堂。一日院主白云。大衆久思和尚示誨。

山云。打鐘著。大眾集定。山便下座。歸方丈。院主隨後問云。和尚既許爲大眾設法。爲甚一言不施。山云。經有經師論。有論師爭怪得老僧。懶菴別云。老僧說法竟。

翠巖芝云。藥山下座。院主當時怪不爲說法。可謂悞他三軍。天童傑云。翠巖只具一隻眼。殊不知藥山歸方丈。正是勞他三軍。懶菴云。說悞他三軍底。敬茶一碗。說勞他三軍底。亦敬茶一碗。因拊掌云。好笑。懶菴優劣不分。誰個是。舉頭但見滿天星。

藥山問僧。甚處來。僧云。湖南來。山云。洞庭湖水滿也。未。僧云。未。山云。許多時雨水。爲甚未滿。懶菴別僧云。某甲雖過此。不知他滿也未。

雲巖晟云。湛湛地。懶菴代山云。還照見影麼。道吾智云。滿也。懶菴代山云。有多少深。洞山价云。甚麼劫中曾增減來。懶菴代山云。也須問過。雲門偃云。只在這裏。懶菴代山云。我何不見。

龐居士問馬祖。不昧本來人。請師高著眼。祖直下覷。士云。一種沒絃琴。唯師彈得妙。祖直上覷。士乃作禮。祖歸方丈。士隨後入云。適來弄巧成拙。懶菴云。龐居士且置。祇如馬祖直下覷。直上覷。意旨如何。大鵬展

翅青霄外。豈是鷓鴣所得知。雖然如是。也是泥彈子。雲峰悅云。且道是賓家弄巧成拙。主家弄巧成拙。還有人揀得出麼。若揀得出。三十棒一棒也較不得。若揀不出。明年更有新條在。惱亂春風卒未休。懶菴云。既是揀得出。爲甚三十棒一棒也較不得。會麼。棒頭有眼。明如日。觸著方知喪膽魂。瑯玕覺云。一夜作竊。不覺天曉。懶菴云。此是文殊普賢大人境界。智海逸云。二老漢。一個開口了。合不得。一個合口了。開不得。更有一個。未欲說破。乃呵呵大笑。歸方丈。懶菴云。更有一個。且道是誰。懶菴

亦未欲說破。何故。六根不全。形容醜惡。若說出來。一場好笑。

丹霞訪龐居士。門逢女子靈照洗菜。次霞問。居士在否。女子放下菜籃。斂手而立。霞再問。居士在否。女子提起菜籃。便行。霞遂回。須臾居士歸。女子乃舉似前話。士云。丹霞在麼。女子云。去也。士云。赤土塗牛。妳懶菴云。我若是丹霞。見他斂手而立時。卽指菜籃曰。這個是我底。遂將菜籃攜去。

瀉山喆云。大小丹霞。被居士女子勘破。山僧當時若作丹霞。但與呵呵大笑。待他問。長老笑個甚麼。

却向道。不是冤家不聚頭。懶菴云。棒打石人頭。嘿
嘿論實事。

丹霞問僧甚處來。僧云。山下來。霞云。喫飯了也未。僧
云。喫飯了也。霞云。將飯與闍黎。喫底人還具眼麼。僧
無對。懶菴代云。具眼。待問具甚麼眼。卽云。具五花百
裂底眼。

長慶稜問保福云。將飯與人喫。報恩有分。爲甚不
具眼。福云。施者受者俱瞎。慶云。盡其機來。還成瞎
否。福云。道我瞎得麼。懶菴代慶云。若不瞎。爭得狼
藉徧地。汾陽昭云。若不上山。爭識丹霞。懶菴云。

汾陽老人。大似隨處撒尿。保寧勇代云。今日被
和尚勘破。懶菴代霞云。元來不具眼。

僧問趙州。學人乍入叢林。乞師指示。州云。喫粥了也
未。僧云。喫粥了。州云。洗鉢盂去。其僧因此契悟。懶菴
徵云。契悟且置。你道鉢盂。這僧洗得洗不得。

開福寧云。大衆且道。那裏是這僧悟處。還委悉麼。
幾般雲色出峰頂。一樣泉聲落檻前。懶菴云。不得
作境會。既不作境會。作麼生會。乃震聲云。幾般雲
色出峰頂。一樣泉聲落檻前。若是個漢。必然暗地
開眼。

甘贄行者開接待。凡有問。行者接待不易者云。譬如
餒驢餒馬。懶菴云。我若見他。恁麼道。卽張口問他。看
我牙齒有幾個。

瑯玕覺云。快把飯來。懶菴代者拱手云。飯在此。請
拿去。五祖演云。願行者長似今日。懶菴代者云。
且喫茶去。高峰妙云。殘羹餽飯。不勞拈出。懶菴
代者云。你每日噉個甚麼。

秘魔巖常持一杈。凡見僧來。卽提起杈云。甚麼魔魅。
教汝出家。甚麼魔魅。教汝行脚。道得也。杈下死道不
得也。杈下死。速道。速道。懶菴云。我當時若見。不消一
不用口。如如一句滿乾坤。

法眼益代云。乞命乞命。懶菴代巖云。汝來這裏做
甚麼。報慈遂代云。老兒家。放下杈子得也。懶菴
代巖云。放下又爭得。五祖戒云。山僧當時若見。
奪取杈來。驀項杈倒。點把火照。看伊面皮厚多少。
懶菴云。是則是要。且費力氣。明招謙云。我當時若
見伊欲道未道。先與一杈。懶菴云。是則也是。要且
太莽鹵。你道不費力氣。不太莽鹵時如何。乃以兩
指張兩眼云。羞羞。瑯玕覺云。雷聲浩大。雨點全

無。懶菴云。爭怪得他。

大慈示衆云。說得一丈。不如行取一尺。說得一尺。不如行取一寸。懶菴別云。說得一寸。不離一尺。說得一尺。不離一丈。

洞山价云。說取行不得底。行取說不得底。懶菴別云。行不得底。終日行。說不得底。終日說。取個甚麼。雲居膺云。行時無說路。說時無行路。不說不行時。合走甚麼路。懶菴別云。行卽說路。說卽行路。行說俱非。面前大路。洛浦安云。行說俱到。卽本事無。行說俱不到。卽本事有。懶菴別云。行說俱到。而

實俱不到。卽本事有。行說俱不到。而實俱到。卽本事無。

雲巖不安。道吾問。離此殼漏子。向甚處相見。巖云。不生不滅處相見。吾云。何不道非不生不滅處。亦不求相見。懶菴云。雲巖道吾。恰似兩個販私鹽賊。分贓不均。

雪竇顯云。侍者。與我記取這一問。懶菴代者云。某甲記了前。忘了後。記了後。忘了前。作麼生記。昭覺勤別巖云。何處不逢渠。懶菴代吾云。實無躲處。臨濟在黃檗。栽杉松次。檗云。深山裏栽許多樹。作麼

濟云。一與山門作境致。二與後人作標榜。道了。將鋤打地一下。檗云。雖然如是。子已喫吾二十棒了也。濟又打地一下。噓兩聲。檗云。吾宗到汝。大興於世。懶菴云。黃檗被臨濟糊塗。臨濟被黃檗糊塗。看他兩個交相糊塗。懶菴若見。但輕輕問道。你兩人在這裏說些甚麼。管取黃檗臨濟。瓦解冰消。

馮山祐問仰山。黃檗當時。只囑臨濟一人。別更有在。仰云。有。只是年代深遠。不欲舉似和尚。馮云。雖然如是。吾也要知。但舉看。仰云。一人指南。吳越令行。遇大風即止。此是馮仰父子演法。彼林閒錄上。謂為風穴之識。又謂首山為仰山。

再來。冤哉冤哉。豈非癡人說夢耶。懶菴寄語高流。異衲。凡禪門書籍。總束高閣。唯以一念真疑。參話頭。待話頭參徹。然後看禪門書籍。真偽了然。不分而自明矣。諦聽諦聽。天童華云。仰

山見解。未出常流。豈止遇大風則止。當日何不道直待虛空界盡。此話方始大行。豈不頭正尾正。這纔是大善知識言語。較林閒錄。懶菴云。天童見解。亦豈止天地懸殊而已耶。哀哉。懶菴云。天童見解。亦未出常流。何不道直待虛空界盡。再立虛空。此話方始大行。豈不更頭正尾正。雖然如是。懶菴只得

一槩。

仰山見雪師子。乃指云。還有過得此色者麼。眾無對。懶菴云。我當時若在。即出云。有待問。如何是過得此

色者。但云。到夜靜更深。與和尚道。

雲門偃云。當時便好與推倒。雪竇顯云。雲門只解推倒。不解扶起。瑯琊覺云。推倒扶起。相去多少。拄杖撥過眉毛。鼻孔呵呵大笑。淨慈昌云。推倒也錯。扶起也錯。還有過得此色者麼。懶菴云。這四個破落戶漢。自討頭腦不著。說甚推倒扶起。乃高聲云。看看。還見雪師子麼。自從嫁得潘郎後。到處謳歌。總是君。

僧問大隨。劫火洞然。大千俱壞。未審這個壞不壞。隨云。壞。僧云。恁麼。則隨他去也。隨云。隨他去。又僧問龍濟。劫火洞然。大千俱壞。未審這個壞不壞。濟云。不壞。僧云。爲甚不壞。濟云。爲同大千。懶菴云。一個道壞。一個道不壞。畢竟誰是誰非。因擊節云。壞壞。收在彌勒。一布袋。不壞。不壞。瓦礫都成觀自在。隨他去也。落身邊。爲同大千。頭頂戴。於斯見徹證無生。誰是誰非。君自擇。

黃龍清云。此二尊宿。雖則應處無偏。其柰影響之流。別生二見。若是山僧。卽不然。忽有人問。劫火洞然。大千俱壞。未審這個壞不壞。却向道。壞與不壞。卽且置。還識這個麼。忽地喚回。秋夜夢。舉頭唯見。

月當空。懶菴云。果然影響之流。別生二見。或有人問懶菴。劫火洞然。大千俱壞。未審這個壞不壞。亦向他道。壞與不壞。卽且置。乃畫此^卍相。還識這個麼。真機獨露。無邊表。玉浪層層湧碧空。

睦州一日喚僧云。大德。僧回首。州云。擔板漢。懶菴代僧作舞而去。

雪竇顯云。睦州只具一隻眼。何故。這僧喚旣回頭。因甚却成擔板。黃龍新云。雪竇亦只具一隻眼。這僧喚旣回頭。因甚却不成擔板。懶菴云。因甚却成擔板。須彌藏在玻璃碗。因甚却不成擔板。大海傾

來無半盞。因甚却如斯。懶菴也。只具一隻眼。

漸源在紙帳內坐。有僧來撥開帳云。不審。源以目視之。良久云。會麼。僧云。不會。源云。七佛已前事。爲甚不會。後僧舉似石霜。霜云。如人解射。箭不虛發。懶菴云。我若作這僧。見他以目視我。我亦以目視他。管取漸源呵呵大笑。

東林總云。漸源云。七佛已前事。且從。石霜喚甚作箭。良久云。漸源頭白。石霜頭黑。七佛已前曾漏洩。旣漏洩。掩不得。南海波斯生白澤。懶菴云。我則不然。石霜云。箭且從。漸源喚甚作七佛已前事。良久

云。漸源頭黑。石霜頭白。箭不虛發。令人愛射。透眼睛。只自知。穿開鼻孔。誰能見。誰能見。還對面。西風一陣來。落花三五片。

僧問洞山。寒暑到來如何回避。山云。何不向無寒暑處去。僧云。如何是無寒暑處。山云。寒時寒殺闍黎。熱時熱殺闍黎。懶菴代僧云。謝和尚指示。

琅玕覺云。我則不然。如何是無寒暑處。僧堂裏去。雲居舜云。大小琅玕。作這個去就。山僧卽不然。如何是無寒暑處。三冬向煖火。九夏取涼風。懶菴云。大小雲居。俗氣不除。懶菴卽不然。如何是無寒暑

處。以目左右顧視云。從這裏去。

洞山請泰首座喫果子。次乃問。有一物。上拄天。下拄地。黑似漆。常在動用中。動用中收不得。你道過在甚處。座云。過在動用中。山便喝。乃令掇却果棹。懶菴云。若人會得泰首座過在動用中。便會得洞山掇却果棹。何故。彼此如環無閒斷。半天挂下雪交加。

五祖戒別座云。朝來更獻楚王看。懶菴代山云。卽今擲便打。瑯玕覺云。若不是洞山老人。焉能辨得。雖然如是。洞山猶欠一著。在懶菴云。作麼生是洞山欠一著。水底點燈魚盡走。空中湧寶鳥齊飛。

明明一著堂堂欠。自笑懶菴眼睒睒。馮山喆云。諸人還知洞山老人落處麼。若也不知。往往作是非得失會去。山僧道。這果子。非但泰首座不得喫。假使盡大地人來。亦不得正眼覷著。懶菴云。上山擒虎易。開口告人難。洞山泰首座。一對弄圓圓。淨慈昌云。洞山雖然掇得果棹去。要且塞泰首座口不得。懶菴云。要塞口也不難。乃舉拳曰。看看塞却泰首座咽喉了也。還有鑑得出麼。雖然如是。懶菴也是餬餅裏哈汁。

德山小叅示衆云。今夜不答話。問話者三十棒。時有僧出禮拜。山便打。僧云。某甲話也未問。爲甚打某甲。山云。你是甚處人。僧云。新羅人。山云。未跨船舷。好與三十棒。懶菴於山便打處。別僧便喝。奪棒擲地。歸衆。法眼益云。大小德山。話作兩橛。德山密云。大小德山。龍頭蛇尾。雪竇顯云。此二老宿。雖善裁長補短。捨重從輕。要見德山老漢。亦未可在。何故。殊不知德山握闔外之威權。有當斷不斷。不招其亂底劍。諸人還識新羅僧麼。只是撞著露柱底瞎漢。黃龍清云。雖則雪竇高提祖令。坐斷寰區。只解瞻前。不能顧後。這僧堂堂出來。甚處是撞著露柱處。還有

人辯得麼。若也辯得。不唯與新羅僧雪屈。亦見當人眼目分明。若辯不得。非唯新羅僧撞著露柱。盡大地衲僧。個個出來。撞著露柱。懶菴云。雪竇道。要識新羅僧麼。只是撞著露柱。底瞎漢。直是好笑。笑須三十年。黃龍道。若辯不得。非唯新羅僧撞著露柱。盡大地衲僧。個個出來。撞著露柱。更是好笑。笑亦三十年。會麼。待懶菴說個喻。以當註解。獨立亭亭。一樹花。無根有葉。徧天涯。東西南北。隨人畫雪竇。黃龍盡是他。

德山一日因飯遲。托鉢至法堂前。時雪峰晒飯巾次。

見之。遂問。這老漢。鐘未鳴。鼓未響。托鉢向甚處去。山便回方丈。峰舉似巖頭。頭云。大小德山。不會末後句。山聞。令侍者喚頭來問。汝不肖老僧那。頭遂密啓其意。山便休。至明日升堂。果與尋常不同。頭至僧堂前。拊掌大笑云。且喜老漢會末後句。他後天下人不奈伊何。雖然如是也。只得三年活。懶菴云。這則公案。古今盡道誚訛。若懶菴看來。有甚掩處。譬如明鏡一照。纖毫不遺。還信麼。若信。只就德山托鉢處看。一看看破。卽知這裏便是末後句。卽知這裏便是巖頭密啓其意。卽知這裏便是明日與尋常不同。卽知這裏便

是天下人不奈伊何。卽知這裏便是只得三年活會麼。七珍八寶不收藏。堆在園中任人看。

明招謙代德山云。咄。沒處去。沒處去。雪竇顯云。曾聞說個獨眼龍。元來只有一隻眼。殊不知德山是個無齒大蟲。若不是巖頭識破。爭得明日與昨日不同。諸人要會末後句麼。只許老胡知。不許老胡會。懶菴云。懶菴要問雪竇。既是只許老胡知。不許老胡會。爲甚明日與昨日不同。因大笑云。水上浮萍。疊疊青。分開合籠。妙無因。頭頭撥著頭頭。頭頭是一對鴛鴦。畫不成。

唐莊宗問興化。朕收中原。獲得一寶。未有人酬價。化云。略借陛下寶看。帝兩手引幞頭。腳示化。化云。君王之寶。誰敢酬價。帝大悅。懶菴代帝云。試酬價看。又代化云。封疆一統成金地。獨鎮巍巍價始均。

雪竇顯云。至尊所得。只可傍觀。若非興化作家。往往高價酬却。懶菴云。恁麼則懶菴不作家也。因代竇問。汝作麼生酬答。云。封疆一統成金地。獨鎮巍巍價始均。又代竇云。須是恁麼始得。翠巖芝云。興化當時下一著。可謂酪酏。如今作麼生斷。懶菴云。翠巖也是醉而不醒。殊不知興化當時下一著。

直得地震山崩。

僧問龍牙。十二時中。如何用力。牙云。如無手人行拳。懶菴代僧云。恁麼則某甲獨步稱尊去也。大笑而出。大滄秀云。是則是。又教人入陰界中作活計。十二時中。如何用力。如有手人行拳。始得。石門聰云。道卽太煞道。只道得一半。如無舌人解唱歌。始得。懶菴云。饒石門如此道也。道不全。畢竟作麼生。如無眼人能分別大千世界。青黃赤白黑始得。

僧問軋峰。十方薄伽梵。一路涅槃門。未審路頭在甚處。峰以拄杖畫云。在這裏。後僧請益雲門。門拈起扇子云。扇子踔跳上三十三天。築著帝釋鼻孔。東海鯉魚打一棒。雨似盆傾。會麼。懶菴云。於事上覷。軋峰較些子。於理上覷。雲門較些子。若謂指示這僧路頭。猶隔恒河沙數世界在。

黃龍清云。若向軋峰句中會去。正是死句。坐殺闍黎。若向雲門句下承當。業識茫茫。隨波逐浪。畢竟向甚處會。自古上賢猶不識。造次凡流豈可明。懶菴云。我則不然。若向軋峰句中會去。步步踏著。若向雲門句下承當。頭頭撞著。信麼。等閒識得東風面。萬紫千紅總是春。徑山琰云。唱愈高。和愈峻。

還他二老。若是十方薄伽梵。一路涅槃門。總未踏著在。懶菴云。既未踏著。你道。剎峰雲門。眼上還有眉毛麼。

俱胝見僧問。唯舉一指。將順世謂衆云。吾得天龍一指頭禪。一生用不盡。言訖而滅。懶菴云。不是真叅實悟。決不識俱胝指頭。你看指上明明通大路。秦關漢地。任君行。山山水水。如圖畫。滿耳笙歌。遏彩雲。乃大笑云。高著眼。

玄沙備云。我當時若見。拘折指頭。懶菴云。玄沙太煞慈悲。長慶稜云。美食不中飽人喫。懶菴云。何

不吐却。曹山章云。俱胝承當處。莽鹵。只認得一機一境。報慈遂云。且道。俱胝還悟也未。若悟。爲甚承當處。莽鹵。若不悟。又道用一指頭禪。不盡。且道曹山意作麼生。懶菴云。這般說話。若非具眼大丈夫。爭能辨他語脉。會麼。眼觀似瞎明如日。耳聽如聾音似雷。

保壽上堂。三聖推出一僧。壽便打。聖云。恁麼爲人。非但瞎却這僧眼。瞎却鎮州一城人眼。去在。壽擲下拄杖歸方丈。懶菴云。且道這僧。三聖推著推不著。保壽打著打不著。這裏縑素得出。方知瞎鎮州一城人眼。

也在我。不瞎鎮州一城人眼。也在我。會麼。分開天地成雙有。合攏乾坤覓一無。

法眼益徵云。甚處是瞎却人眼處。懶菴云。這老漢瞎處也問人。天童傑云。二尊宿美則美矣。若要扶臨濟正宗。每人合喫一頓棒在。且道那裏是欠處。具擇法眼者。試定當看。懶菴云。天童恁麼說話。早已先自喫一頓棒了也。何故。來說是非者。便是是非人。

王太尉入佛殿。指鉢盂問殿主。這個是甚麼。主云。藥師鉢。尉云。只聞有降龍鉢。主云。待有龍卽降。尉云。忽墮也。懶菴別主。捧起鉢盂作降勢。

玄沙備別云。盡你神力。走向甚處去。懶菴代尉云。好看。保福展別云。歸依佛法僧。懶菴代尉云。猶昂頭在。百丈常別。作覆鉢勢。懶菴代尉云。尾巴露出。雲門偃別云。他日生天。莫孤負老僧。懶菴代尉。彈指一下。

玄沙示衆云。諸方盡道接物利生。忽遇三種病人來。作麼生接。患盲者。拈椎豎拂。他又不見。患聾者。語言三昧。他又不聞。患瘧者。教伊說。又說不得。且作麼生

接當時地藏出云某甲有眼有耳有口和尚作麼生接沙云慚愧便歸方丈懶菴云玄沙慈悲太甚所以有落草之談懶菴則不然乃舉拳云且道這個是盲是聾是瘖還定當得麼若定當得便識玄沙

雲門偃因僧請益門云禮拜著僧拜起門以拄杖拄之僧乃退後門云汝不是患聾又云還會麼僧云不會門云汝不是患瘖其僧於是有省懶菴云且道省個甚麼若認個不盲不聾不瘖則是個弄精魂漢且道省個甚麼龍門遠云好兄弟還知真實相爲

麼只如諸人有雙眼又何曾見來有雙耳又何曾聞來有片舌又何曾說來既無見無聞無說何處有色聲味事雖然如是能有幾人到這田地懶菴云龍門老漢曲盡婆心待懶菴更爲註出有眼不曾見豈不是盲有耳不曾聞豈不是聾有舌不曾說豈不是瘖殊不知盲處見盡大千聾處聞盡大千瘖處說盡大千既見盡聞盡說盡何妨色聲味事疊疊堆來雖然如是而今絕無一人到這田地哀哉

玄沙因光侍者道師叔若學得禪某甲打鐵船下海

去。沙住後。令人馳書問光侍者云。打鐵船也未。懶菴代者云。打鐵船了也。你問和尚。還是坐船頭。坐船尾。法眼益代云。和尚終不與麼。懶菴代沙云。元來鐵船已打。清涼欽代云。請和尚下船。懶菴代沙云。侍者攜拄杖來。慧林本代云。昨日過新羅。懶菴代沙以手指云。這裏豈不是。支提愛云。玄沙也是貧人思舊債。懶菴云。似則也似。殊不知玄沙是暴富兒郎。逢人賣弄。雲居元云。禪也未曾參得。何用思量舊事。忽然被他撐動鐵船。玄沙堪作甚麼。懶菴云。雲居也是亂道。

僧聞南院。從上諸聖。向甚處去。院云。不上天堂。卽入地獄。僧云。和尚又作麼生。院云。還知寶應老漢落處麼。僧擬議。院以拂子驀口打。復喚近前云。令合是汝行。又打一拂子。懶菴別。不上天堂。卽入地獄云。總在上座眼睛裏。

雪竇顯云。令旣自行。且拂子不知來處。雪竇道個瞎。且要雪上加霜。徑山杲云。權衡臨濟三玄三要。須還他南院始得。雪竇爲甚。却道拂子不知來處。妙喜亦道個瞎。且要兩得相見。懶菴云。雪竇已雪上加霜。徑山已兩得相見。懶菴學顰也。道個瞎。且

要圖自家瞌睡。

孚上座叅雪峰。纔至法堂上。顧視雪峯。便下看知事。至明日。入方丈作禮云。昨日觸忤和尚。峰云。知是般事。便休。懶菴云。總未會在。滔滔汨汨無邊浪。一滴飄空不見踪。

雪竇顯云。一千五百人作家宗師。被孚老一覷。便高豎降旗。至明日云。知是般事。便休。處著語云。果然。雪竇宗云。只知其一。不知其二。殊不知雪峰坐籌帷幄。決勝千里。孚上座呈盡平生見解。也只在雪峰圈績裏。懶菴云。一個扶起孚老。按下雪峰。一

個扶起雪峰。按下孚老。扶孚老底。好與二十棒。扶雪峰底。亦好與二十棒。會麼。白雲散盡露青天。湛湛當空成一片。

風穴上堂。若立一塵。家國興盛。野老顰蹙。不立一塵。家國喪亡。野老安帖。於此明得。闍黎無分。全是老僧。於此不明。老僧卽是闍黎。闍黎與老僧亦能悟。却天下人亦能迷。却天下人。要識闍黎麼。左邊拍一拍云。這裏卽是要識老僧麼。右邊拍一拍云。這裏卽是懶菴云。我當時若見。卽於地上書一人字。

雲門偃云。這裏卽易。那裏却難。懶菴云。也是逐隊

漢。五祖演云。山僧卽不然。若立一塵。法堂前草深一丈。不立一塵。錦上鋪花。何也。不見道。九九八十一。窮漢受罪畢。纔擬展脚眠。蚊虫蛇蚤出。懶菴云。懶菴又不然。若立一塵。點。不立一塵。空。會麼。點。開萬象。森羅面。空却森羅萬象心。靈隱嶽云。犬小風穴。醋氣猶在。何故。始作翕如也。縱之。純如也。皦如也。繹如也。以成。喝一喝。懶菴云。虧他喝一喝。若不喝一喝。幾何也。浸在醋裏。

翠巖示衆云。一夏以來。爲兄弟東語西話。看翠巖眉毛在也。無懶菴代云。咄。縮頭去。

長慶稜云。生也。懶菴代巖云。有幾莖。雲門偃云。關。懶菴代巖云。道甚麼。保福展云。做賊人心虛。懶菴代巖云。老僧常自疑著。

僧辭棗樹。樹云。若到諸方。有人問你。老僧此間法道。作麼生對。僧云。待他問卽道。樹云。何處有無口底佛。僧云。祇這也。還難。樹豎起拂子云。還見麼。僧云。何處有無眼底佛。樹云。祇這也。還難。僧遶禪牀一市而出。樹云。善能祇對。僧便喝。樹云。老僧不識子。僧云。要識作麼。樹敲禪牀三下。懶菴云。樂哉。試以喻明。一個住在北山北。一個住在南山南。南山打鼓北山睡。北山

吹笛南山眠。南山往東院。北山去西園。兩下中途相遇著。各出一文大光錢。樂哉。

蔣山懃云。棗樹有口如瘖。這僧有眼如盲。遶禪牀一巾。敗軍之將。敲禪牀三下。弓折箭盡。懶菴云。蔣山只知棗樹有口如瘖。而不知音滿乾坤。只知這僧有眼如盲。而不識光騰宇宙。只知敗軍之將。而不識誘敵無雙。只知弓折箭盡。而不識有寶刀在會麼。彼抑我揚。無別事。大家擺手月中行。

